

小

學

考

小學考卷八

賢政大夫兵部侍郎兼都察院右副都御史巡撫廣西南康謝啟昆編

訓詁六

張氏

揖

古今字詁

唐志作古
今字訓

隋志三卷

唐志
二卷

佚

魏書江式傳曰式上表云魏初博士清河張揖著埤倉廣雅古今字詁究諸埤廣綴拾遺漏增長事類抑亦於文爲益者然其字詁方之許篇或得或失
今本字詁

一卷

存

陳鱣敘錄曰古今字詁三卷魏張揖撰揖所著有廣雅三卷埤倉二卷雜字誤字各一卷三倉解詁三卷解司馬相如傳一卷及此今惟廣雅獨存鹽嘗于羣書中采集埤倉彙爲一編茲復集古今字詁以附之按魏江式上表云字詁方之許篇或得或失是字詁實承說文解字之統乃小學之大關鍵也惜乎今日僅存十一而其中亦有可辯者顏氏家訓勉學篇引云蠅古虺字按說文蠅蛹也从虫鬼聲讀若潰虺呂注鳴詩曰胡爲虺蜴从虫兀聲則蠅虺二義不得指爲一字又引云劒支旁作刀劒之刀亦是劒字按說

文削刷曲刀也从刀奇聲無从攴者則剋爲俗體文選難蜀父老注引云𠵿今宏字按說文宏屋𠵿𠵿也从山左聲無从口者則𠵿爲俗體一切經正法念經音義引云𠵿古文錄𠵿二形今作機同按說文錄𠵿機三字俱無則皆爲俗體又引云誌今作識按說文有識無誌則誌爲俗體安得謂誌今作識字它如一切經音義引云時古文時𠵿今作𠵿稽首古文𠵿首之類皆有足據正江式所云𠵿之許篇或得或失者也

周氏雜字解詁

隋志四卷

佚

隋書經籍志曰魏掖庭右丞周氏謨

周氏成解字文

七錄七卷

佚

曹氏彥字義訓音

七錄六卷

佚

三國魏志諸曹傳曰曹真字丹太祖族子也封靈壽
亭侯進封邵陵侯薨謚曰元侯子爽嗣帝追思真功
愆封真五子義訓則彥體皆爲列侯

按七錄稱曹侯彥謨蓋以彥嘗爲列侯也

殷氏 仲堪 常用字訓

七錄一卷

佚

晉書列傳曰殷仲堪陳郡人也善屬文每云三日不
讀道德論便覺舌本間強其談理與韓康伯齊名士
咸愛慕之調補佐著作郎冠軍領晉陵太守喪居哀
毀以孝聞服闕孝武帝召爲太子中庶子復領黃門
郎都督荆益寧三州軍事振威將軍荊州刺史以仲
堪事不預察降虢虜揚將軍復降爲寧遠將軍安帝
卽位進號冠軍將軍固讓不受初桓元將應王恭乃

說仲堪推恭爲盟主共興晉陽之舉立桓文之功仲
堪旣納元之誘爲元追兵所獲逼令自殺死于柞溪
顏氏之推訓俗文字畧

隋志一卷

佚

北齊書文苑傳曰顏之推字介珉邪臨沂人也世善
周官左氏學博覽羣書無不該洽爲散騎侍郎奏舍
人事後爲周軍所破大將軍李顯重之薦往弘農令
掌其兄平陽王慶遠書幹顯祖見而悅之卽除奉朝
請引於內館中侍從左右頗被顧眄天保末從至天
池以爲中書舍人令中書郎段孝信將敕書出示之

一推之推營外飲酒孝信還以狀言顯祖乃曰且停山
是遂寢河清末被舉爲趙州功曹參軍尋待詔文林
館司徒錄事參軍之推聰穎機悟博識有才辯工尺
牘應對閑明大爲祖珽所重令掌知館事判署文書
尋遷通直散騎常侍俄領中書舍人尋除黃門侍郎
及周兵陷晉陽爲平原太守令守河津齊亡入周大
象末爲御史上士隋開皇中太子召爲學士甚見禮
重尋以疾終有文三十卷家訓二十篇竝行于世
無名氏證俗音字畧

隋志六卷

佚

顏氏

延之 詰切 舊唐志作 詰切文

七錄二卷

佚

荀氏

楷 廣詰切

七錄一卷

佚

隋書經籍志曰宋給事中荀楷撰

王氏

長孫 河洛語音

隋志一卷

佚

魏書咸陽王禧傳曰孝文引見朝臣詔斷北語一從

正音禱贊成其事于是詔年三十已上習性已久客或不可卒革三十已下見在朝廷之人語音不聽仍舊若有故爲當降爵黜官若仍舊俗恐數世之後伊雒之下復成被髮之人朕嘗與李冲論此冲言四方之語竟知誰是帝者言之卽爲正矣何必改舊從新冲之此言應合死罪乃謂冲曰鄉實負社稷冲免冠陳謝

顧炎武日知錄曰五方之語雖各不同然使友天下之士而操一鄉之音亦君子之所不取也故仲由之嘽夫子病之缺舌之人孟子所斥而宋書謂高祖雖累葉江南楚言未變雅道風流無聞焉爾又謂長沙

王道憐素無才能言音甚楚舉止施爲多諸鄙拙世
說言劉真長見王丞相旣出入問見王公云何答曰
未見他異惟聞作吳語耳又言王大將軍少年時舊
有田舍名語音亦楚又言支道林入東見王子猷兄
弟還人問見諸王何如答曰見一羣白項烏但聞喚
啞啞聲北史謂丹陽王劉昶呵罵僮僕音雜夷夏雖
在公坐諸王每侮弄之夫以創業之君中與之相不
免時人之議而況于士大夫乎北齊楊愔稱裴獻之
曰河東士族京官不少惟此家兄弟全無鄉音其所
賤可知矣至於著書作文尤忌俚俗公羊多齊言淮
南多楚語若易傳論語何嘗有一字哉若乃講經授

學彌重文言是以孫詳蔣顯會習周官而音乖楚夏

左思魏都賦蓋音有楚夏者土風之乖也則學徒不至梁書僑林傳陸倕云李業興

學問深博而舊音不改則爲梁人所笑北史本傳鄴下人

士音辭鄙陋風操虫拙則顏之推不願以爲兒師家訓

是則惟君子爲能通天下之志蓋必自其發言始也

沈氏約俗說

通志三卷

佚

梁書沈約傳曰約字休文吳興武康人也篤志好學
晝夜不倦博通羣籍能屬文起家奉朝請濟陽蔡興
宗問其才而善之引爲安西外兵參軍兼記室齊初

爲征虜記室帶襄陽令高祖受禪爲尙書僕射封建
縣侯邑千戶常侍如故九年轉左光祿大夫侍中少
傅如故十二年卒官有司謚曰文帝曰懷情不盡曰
隱故改爲隱云所著晉書百一十卷宋書百卷齊紀
二十卷高祖紀十四卷邇言十卷謚例十卷宋文章
志三十卷文集一百卷皆行于世

按約所著俗說其卽本傳所謂邇言乎邇言
本十卷疑宋時厯存三卷故通志云俗說三
卷耳

劉氏釋俗語

通志八卷

佚

梁書孝行傳曰劉霽字士烜平原人也九歲能誦左氏傳宗黨咸異之家貧與弟杳敵相篤勵學既長博涉多通天監中起家奉朝請前後宰二邑並以和理著卒時年五十二著釋俗語八卷文集十卷

盧氏

辯稱謂

通志五卷

佚

周書盧辯傳曰辯字景宣范陽涿人累世儒學辯少好學博通經籍舉秀才爲太學博士以大戴禮未有所解詁辯乃注之自魏末離亂孝武西遷朝章禮度湮

陞咸盡辯因時制宜皆合軌度性強記默契能斷大事凡所創制處之不疑累遷尙書右僕射世宗卽位進位大將軍帝嘗與諸公幸其弟儒者榮之出爲宜州刺史薨配食太祖廟庭

張氏

顯

古今訓

通志十一卷

佚

國語

隋志十五卷

佚

隋書經籍志曰後魏初定中原軍容號令皆本國語

後染華俗多不能通故錄其本言相傳教習謂之國語

國語

隋志十卷

佚

鮮卑語

隋志五卷

佚

魏書鮮卑乞伏國仁傳曰鮮卑乞伏國仁出于隴西其先如弗自漠北南出五代祖祐隣并兼諸部部衆漸盛

魏書鮮卑秃髮烏孤傳曰鮮卑秃髮烏孤八世祖匹孤自塞北遷于河西其地東至麥田牽屯西至濕羅南至澆河北接大漠匹孤死子壽闡統任初母孕壽闡因寢產于被中乃名秃髮其俗爲被覆之義

北齊書祖珽傳曰祖珽字孝徵范陽狄道人也陳元康薦珽才學并解鮮卑語乃給筆札就禁所具草二日內成其文甚麗神武以其工而且速特恕不問然猶免官散參相府珽天性聰明事無難學文章之外又善音律解四夷語及陰陽占候醫藥之術尤是所長文宣帝難嫌其數犯憲而愛其才伎令直中書省掌詔詰

侯伏侯可悉陵
國語名物

隋志四卷

佚

隋書經籍志曰孝文帝命侯伏侯可悉陵以國語譯
孝經之旨教于國人謂之國語孝經

國語真歌

隋志十卷

佚

侯伏侯可悉陵
國語雜物名

隋志三卷

佚

國語十八傳

隋志一卷

佚

國語御歌

隋志十一卷

佚

國語號令

隋志四卷

佚

鄭樵曰後魏初定中原軍容號令皆以夷語後染華俗多不能通故錄其本言相傳教習謂之國語

國語雜文

隋志十五卷

佚

魏書孟威傳曰孟威字能重河南洛陽人頗有氣尚
尤曉北土風俗歷東宮齊帥羽林監時四鎮高車叛
投蠕蠕高祖詔威曉喻禍福追還逃散分配爲民後
以明解北人之語敕在著作以備推訪

鮮卑語

隋志十卷

佚

周武帝鮮卑號令

隋志一卷

佚

周書武帝紀曰高祖武皇帝諱邕字禰羅突大祖第四子也幼而孝敬聰敏有器質武成二年夏四月壬寅卽皇帝位

北齊書高乾傳曰乾弟昂俠氣凌物於時鮮卑共輕中華朝士惟憚服于昂高祖每申令三軍常鮮卑語昂若在列則爲華言

北齊書孫搴傳曰孫搴字彥舉樂安人也曾高祖命作檄文搴援筆立成其文甚美高祖大悅卽署相府主簿專文筆又能通鮮卑語兼宣傳號令當煩劇之

任大見賞重賜妻韋氏既士人子女又兼色貌時人榮之

雜號令

隋志一卷

佚

王氏

劭俗語雜字

隋志一卷

佚

隋書藝文志曰祕書少監王劭撰

隋書王劭傳曰劭字君懋太原晉陽人也少沈默好讀書累遷太子舍人待詔文林館高祖受禪授著作

佐卽遷祕書少監數載卒官劾在著作將二十年專
典國史謨隋書八十卷初謨齊誌爲編年體二十卷
復爲齊書紀傳一百卷及平賊記三卷其采摭經史
謬誤爲讀書記三十卷時人服其精博

釋

寶誌文字釋訓

舊唐志三十卷

佚

南史陶宏景傳曰時有沙門釋寶誌者不知何許人
有於宋太始中見之出入鐘山往來都邑年已五六
十矣齊宋之交稍顯靈跡梁武帝尤深敬俗呼爲誌
公好爲識記所謂誌公符是也天監十三年卒

李氏 少通 俗語難字

唐志一卷

佚

顏氏 師古 匡謬正俗

唐志八卷

存

唐書儒學傳曰顏師古字籀其先瑯邪臨沂人祖之推自高齊入周終隋黃門郎遂居關中爲京兆萬年人父思魯以儒學顯師古少博覽精故訓學善屬文仁壽中薦授安養尉俄失職歸長安高祖入關謁見長春宮授朝散大夫拜燉煌公府文學累遷中書舍

人專典機密師古性敏給明練治體方軍國務多詔
令一出其手冊奏之工當時未有及者太宗卽位拜
中書侍郎封瑯邪縣男以母喪解服除還官歲餘坐
公事免帝嘗歎五經去聖遠傳習寢訛詔師古於祕
書省考定多所釐正旣成悉詔諸儒議於是各執所
習共非詰師古師古輒引晉宋舊文隨方曉答誼據
該明出其悟表人人歎服尋加通直郎散騎常侍帝
因頒所定書于天下學者賴之俄拜祕書少監專刊
正事古篇奇字世所惑者討析申熟必暢本原多藏
古圖書器物書帖亦性所篤愛與誤五禮成進爵爲
子又爲太子承乾注班固漢書上之賜物二百段良

馬一時人謂杜征南顏祕書爲左邱明班孟堅忠臣
遷祕書監宏文館學士十九年從征遼道病卒年六
十五謚曰戴其所注漢書急就章大顯于時永徽三
年子揚庭爲符璽郎表上師古所譏匡謬正俗八篇
顏揚庭進表曰臣聞織埃不讓嵩華所以極天涓流
必納溟渤所以紀地况乎業隆學海義切爲山庶進
簣於崇高思委諭於濶澤恭惟皇帝陛下誕膺睿圖
光臨大寶隆周比迹遠邁成康炎漢傳功近超文景
時和玉燭龍圖薦於長河道包金鏡龜書浮於清洛
收羽陵之蠹簡俾備蓬山采汲冢之舊文咸歸延閣
一言可善屢動宸衷九術不遺每回天聽臣亡父先

臣師古嘗譔匡謬正俗橐舛纔半部帙未終以臣疊
犯幽靈奄垂捐棄攀風罔及陟謁增哀臣敬奉遺文
謹遵先範分爲八卷勒成一部百氏紕繆雖未可窮
六典荒訛於斯矯革謹齋詣闕奉表以聞輕觸威嚴
伏深震悚永徽二年十二月八日符璽郎臣顏揚庭
上

勅旨顏師古業綜書林譽高詞苑討論經史多所匡
正前件書發明故事諒爲博洽宜令所司錄一本付
祕書閣仍賜其子符璽郎揚庭絹五十匹永徽三年
三月十五日中書侍郎來濟宣

崇文總目曰唐祕書監顏師古譔采先儒及當世之

言參質譌繆而矯正之未終篇而師古沒其子始士之詔錄藏祕閣

晁公武讀書志曰師古以世俗之言多繆訛故質諸經史刊而正之末徽中子揚庭上之

陳振孫書錄解題曰莆田鄭樵有刊謬正俗跋八卷汪玉山亦言揚庭表以爲彙艸纔半部帙未終則是書初非定本也今前後乖刺極多玉山集中所辨甚詳

錢曾敏求記曰匡謬正俗八卷揚庭表上其父師古所譔匡謬正俗云彙艸纔半部帙未終謹遵先範分爲八卷汪應宸謂此書尙非定本題所疑于尾如論

語後不朱標毛詩字等類頗爲有識讀者勿以其跋語也而漫視之

四庫全書提要曰是書永徽二年其子符璽郎楊庭表上於朝高祖勅錄本付祕書閣卷末載楊庭表稱稟艸纔半部帙未終蓋猶未竟之本又稱謹遵先範分爲八卷勒成一部則今本乃楊庭所編宋人諸家書目多作刊謬正俗蓋避太祖之諱改匡爲刊錢會讀書敏求記作列謬正俗則刻本偶誤也前四卷凡五十五條皆論諸經訓詁音釋後四卷凡一百二十七條皆論諸書字義字音及俗語相承之異攷據極爲精審師古一代通儒而拘於習俗不能知音有古

今又不知齊梁以前無平仄四聲之別故其注漢書
動以合聲爲言遂開後來叶音之說如謂葬音臧誼
議音宜反音扶萬反歌音古賀反蕤音上聲怒有上
去二聲壽有受授二音戀有平去二聲迴音戶鑒反
皆誤以今韻讀古音如獲音而成反上音盛又音市
郢反先音西逢音如字不讀厯皆誤以古韻讀今韻
未免千慮之一失耳古人攷辨小學之書今皆失傳
自顏之推家訓音證篇外實莫古於是書其邱區禹
字之論韓愈諱辨卽引之知唐人已絕重之矣戒山
堂讀史漫筆解都鄙二字詫爲獨解不知爲此書所
已駁毛奇齡引書序倂厥寶玉解春秋衛倂詫爲特

見不知爲此書所已引洵後人證據終不及古人有
根柢也鄭樵通志校讎畧曰刊謬正俗乃雜記經史
惟第一卷起論語而崇文總目以爲論語類知崇文
所釋只看帙前數行率意以釋之耳今檢崇文總目
樵說信然當時館閣諸人不應荒謬至此檢是類所
列以論語三種家語一種居前次爲白虎通次爲五
經鉤沈次卽此書次爲六說次爲經史釋題次爲授
經圖次爲九經餘義次爲演聖通論皆統解羣經之
文蓋當時仿隋志之例以五經總義附之論語類中
雖不甚允要不可謂之無據樵不考舊文而務爲苛
論遽以只看數行詆之失其旨矣

釋梵語

通志一卷

佚

北齊書斛律羌舉傳曰代人劉世清情性甚整周慎
謹密能通四夷語爲當時第一後主命世清作突厥
語翻涅槃經以遺突厥可汗敕中書侍郎李德林爲
其序世清隋開皇中卒於開府親衛驃騎將軍

僧

惟右

譯夷語錄

通志一卷

佚

顧炎武日知錄曰後唐康福善諸蕃語明宗聽政之

暇每召入便殿咨訪時事福卽以蕃語奏之樞密使
安重誨惡焉嘗面戒之曰康福但亂奏事有日斬之
辨鳩錄

通志一卷

佚

西蕃譯語

通志一卷

佚

程大昌演繁露曰蕃語以華言譯之皆得其近似耳
天竺語轉而爲捐篤身毒唐有吐蕃本秃髮烏孤秃
髮語轉遂爲吐蕃喃廝羅之父名錢逋乃贊普也達

怛乃靺鞨也契丹之契語如奧惟新唐書有音圖賴
讀如墨突惟晉書音義有之漢音義無也不知其何
所本然常怪蕃語入中國其元無本字而以華字記
之如捐篤身毒固無所奈何至如龜茲旣知其爲邱
慈何不徑以丘慈書之廼借用龜茲以待翻字者而
後音讀乃明是必有說也華戎語異雖借華字說之
尙與本語不全諧協其必宛轉於兩字之間如龜近
邱而不全爲邱龜與邱聲合然後相近故不得以一
字正命也

張氏

大卿

國語類記

見馬祖常石田集

未見

馬祖常序曰結繩不施書契有作科斗鳥獸之迹猶
篆隸分及今之書雜然並傳觀乎黃帝帝嚳而下迨
晉楚列國其間貨錢刀布鼎彝敦簠誌記銘刻文字
形聲之殊極六書制作之變會不少相襲而其聲音
文義相生相成百世一道我國家造蒙古書因天地
自然之數以成一代之書求合乎先王之意而不梏
於人宜乃列之學官置博士弟子員教授不廢是以
近世之士鼓篋而游學宮者嚮比於孔氏之徒焉太
僕經歷持廣平張大卿所著國語類記若干卷求請
曰是書實古轉注之義爲多切諱此有年矣大卿乃

能綴緝本末成一家言凡國語之引物連類假借旁
通者班班具焉子盍爲我序之祖常曩讀曲壽所記
及漢急就章諸篇等知世之古今文字論列辨博纖
悉畢載何則其資寡者其中窳其籍厚者其內充則
大卿之爲是書後世稽古者尙有考焉

王氏

伯達

皇朝字語觀瀾綱目

見趙孟頫松雪集

未見

趙孟頫序曰余嘗讀北史見當時巨族貴種皆以工
譯語相高其間雖時見一二語恨無文字相傳不知
作如何云云也蓋譯語皆有聲而無文雖欲傳其可

得乎聖朝混一區宇乃始造爲一代之書以文寄聲
以聲成字於以道達譯語無所不通蓋前代之所未
有也古嫠王伯達深解其義編集是書曲盡微妙其
亦善言語之良師也古人有言塗無遠而不彌理無
微而不綸余於是書亦云

無名氏蒙古譯語

四庫全書目一卷

存

四庫全書提要曰蒙古譯語一卷不著撰人名氏前
有自序稱言語不通非譯者無以達其志今詳定譯
語一卷好事者熟之則問答之間隨叩隨應而無哽

喉之患云云似乎元代南人所記然其書分門編輯簡畧殊甚對音尤似是而非殊無足取

托克托 遼國語解

一卷 在遼史

存

托克托序曰史自遷固以迄晉唐其爲書雄深浩博讀者未能盡曉於是裴駙顏師古李顏何超董衡諸儒訓詁注釋然後制度名物方言奇字可以一覽而周知其有助於後學多矣邈之初興與奚室韋密邇土俗言語大槩近俚至太祖太宗奄有朔方其制雖參用漢法而先世奇首選輦之制尙多存者子孫相

繼亦遵守而不易故史之所載官制官衛部族地理率以國語爲之稱號不有注釋以辨之則世何從而知後何從而考哉今卽本史參互研究誤次遼國語解以附其後庶幾讀者無齟齬之患云

顧炎武曰知錄曰契丹偏居北陲始以本國之言爲官名號令而遼史初立國語解一篇自是金元亦多循之而北俗之語遂載之史書傳于後代矣

托克托 金國語解

一卷 在金史

存

托克托序曰金文尙書辭多奇澁蓋亦當世之方言

也金史所載本國之語得諸重譯而可解者何可闕焉若其臣僚之小字或以賤或以疾猶有古人尙質之風不可文也國姓爲某漢姓爲某後魏孝文以來已有之矣存諸篇終以備考索

火氏

原潔 華夷譯語

千頃堂書目九卷

敏求記一卷

存

黃虞稷曰太祖以前元素無文字發號施令惟借高昌之書製爲蒙古字以通天下之言洪武十五年正月丙戌命翰林侍講火原潔與編修馬沙亦黑等以華文譯其語復取元祕史參考紐切其字以諧其聲

書成語刊行之

錢曾敏求記曰洪武二十一年翰林侍講史原潔以華文譯蒙古語三五堆垛而全其字核對訓釋而明其義輯錄刊布聖祖命劉三吾序之凡賜前元世系詔誥勅書咸用蒙古語成文特刊于後高皇撫綏勝國之苗裔其至德變絕今古矣

續通考曰洪武二十二年翰林侍講火原潔等奉勅撰火原潔蒙古人書前有劉三吾序

四庫全書提要曰明洪武二十二年翰林侍講火原潔奉勅撰錢曾讀書敏求記作史原潔字之謄也前有劉三吾序稱元初未制文字借高昌之書後命番

僧造蒙古字反復紐切然後成文繁複爲甚翰林侍
講火原潔乃朔漠之族遂命以華文譯之聲音諧和
隨用各足云云其分類編輯與蒙古譯語畧同而差
爲詳備然粗具梗槩譌漏孔多

欽定元國語解已有成書原潔此編直付之覆瓿可
矣讀書敏求記文別載華夷譯語一卷云爲回回館
所增定今雖未見其本然明人於翻譯之學依稀影
嚮十不得一其書亦可想像而知也

無名氏增訂華裔譯語

千頃堂書目二卷

存

錢曾敏求記曰分類聚編上則番書中則漢譯下則胡音乃回回館新增者內府抄錄除此無別本宜祕之

陳氏士元 俚言解

千頃堂書目二卷

未見

陳氏士元 諸史齋語音義

千頃堂書目四卷

未見

朱氏 謀 方國殊語

千頃堂書目

未見

無名氏玉門重譯

千頃堂書目二卷

未見

王氏之珂 閩音必辨

福建通志書目

未見

毛氏奇齡越語冒蔡錄

四庫全書目一卷

存

奇齡自序曰宋趙叔向作冒蔡錄采方言之切日用

者編之成帙予考隨韻每有與越俗語相發明凡居平呼其音而不得其文者韻多有之因畧爲筆記名越語曰繁錄昔唐時極詎隨韻名爲吳音豈吳人陸法言外或更有越人參其間與

四庫全書提要曰是編皆記其鄉之方言而證以古音古訓以爲與陸法言韻多相合因宋趙叔向有旨繁錄故襲其名然叔向書多述朝制此則但一隅之里諺耳昔揚雄方言多關訓詁歷代史志及諸家書目均入之經部小學類中是編皆里巷常談似未可遽廁六經之末然舊唐書經籍志載李少通俗語難字新唐書藝文志載張推證俗音顏愍楚證俗音畧

李虔續通俗文皆在小學類中以類相從古有此例
故今仍例之小學焉

胡氏文英吳下方言考

十二卷

存

文英自序曰余輯吳下方言考幾三十年矣庚辰歲
攜質之同鄉錢鑄菴先生鑄菴擊節歎賞遂爲余序
其首鑄菴名人麟少司寇稼軒先生之父也自幼好
學迨易簣未嘗釋手今鑄菴下世已十稔矣余恐一
旦朝露有辜鑄菴期望之意故釋其端而梓之時乾
隆四十八年八月

錢人麟序曰韻書始於周彥倫沈約論者謂吳音不可以槩天下然上有卿雲元首之歌下逮漢魏晉宋間諸篇什案之韻書而未嘗不合蓋古人各以方音爲韻後人卽以前人之篇什爲案而以近代之方音爲譜協之以韻通之以叶韻亦方音叶亦方音也且北音無入秦晉間發聲無上元明以降閉音盡亡是中原之韻反不若吳音之具四聲又况字母起於華嚴等韻定於神珙方外之音儒者且受其範圍而可斥吳音爲不足用乎吳在商周間爲荆蠻之地自春秋時有季札之德讓子游之文學遂爲文物之邦沿至典午南渡衣冠萃止迄於今而文章科第甲天下

必欲驅天下從吳音固不足以服中原人士之心若夫以吳音証之經史諸書以參其離合此亦吾輩稽古審音者之責也自揚子有方言宋有常談之釋近日吾鄉趙豹三湯述亭諸公繼之是皆就常談而釋之獨胡子繩崖盡取古來四部之藏證諸吳音初讀駭其奇闕細案之而更服其諦當覺吾吳不可無此解古人尤樂得有是解則是書遂爲天下古今所不可少之書吾嘗謂人生五官之用皆出於人獨聲音之發則本於天經聲而緯韻聲分七音韻分四等此皆衝口而出自然而合是謂天籟等凡四順而引之必歸於喻音凡七逆而激之必變爲影凡四字之複

一三奇同而母無一定二四偶同而母必歸來吳音
二字之複其助字必歸心此皆自孩童墮地以迨垂
老沒寧自通都大邑以及殊方遐俗靡不皆同是亦
天籟也以六書分音等必注釋而其義始見必音切
而其音始定此則以人工而協天籟也或文同而義
異或文異而義同或義同而音同或義異而音異皆
無足怪惟文同義同而音異斯則方音爲之也今繩
崖爲之注釋其義音切其音習見以爲無文者有文
無義者有義且使古來四部之藏皆爲吾吳咳唾之
所及而吾吳街談里諺盡爲風華典雅之音是非所
謂人工而協天籟者歟余爲之撫掌稱快因急勸付

之剗刷非徒籍是以彰吳音之黠與古合也將使好
學深思之士師繩崖之意凡所讀書及所聞街談里
諺一字一句皆援古証今必求其意義之所在則繩
崖之爲功於後學者大矣顧或者疑其穿鑿則繩崖
固所不屑辭又或驚其閎博則猶淺之乎視繩崖也
抑又有爲繩崖進一解者繩崖汲古好學惟於宋元
以後之書爲少所采夫音以方異亦隨時而變今拒
宋元以後尤近則夫宋元以後之書倘更有可采者
乎敢以質之繩崖

小學考卷九

資政大夫兵部侍郎兼都察院右副都御史巡撫廣西南康謝啟昆

文字一

史籍

漢志十五篇

佚

漢書藝文志曰周宣王太史作大篆十五篇建武時亡六篇矣

又曰史籍篇者周時史官教學童書也與孔氏壁中古文異體

許慎說文解字叙曰宣王大史籀著大篆十五篇與

古文或同或異至孔子書六經左邱明述春秋傳皆
目古文厥意可得而說

揚雄法言曰或欲學倉頡史篇曰史乎史乎愈於妄
闕也

應邵漢官儀曰能通倉頡史籀篇補蘭臺令史歲滿
爲尙書郎

衛恒書勢曰大篆或與古同或與古異世謂之籀書
者也

唐元度曰秦焚詩書惟易與史篇得全王莽之亂此
篇亡失建武中獲九篇章帝時王育爲之解說晉世
此篇廢今書傳事體而已

翟耆年籀史曰史籀變倉頡之法作大篆總天下字一以會意會意爲書法之壞自籀始

林光朝曰大篆出於史籀戰國以來俱用之許氏微得其體

王應麟漢藝文志考證曰歐陽公指石鼓文爲籀書以前乎籀書則古文科斗也

按漢書元帝紀曰帝多材藝善史書應劭注周宣王大史史籀所作大篆又貢禹傳曰郡國擇便巧史書者目爲右職故俗皆禹何目體義爲史書而仕宦又王尊傳曰司隸遣假佐蘇林注謂取內郡善史書佐給諸府也又

嚴延年傳曰善史書史書奏成於手中後漢書安帝紀曰年十歲好學史書李賢注史書者周宣王太史籀所作之書也凡五十五篇可曰教童幼然則漢時多重史書但考漢志俚史籀十五篇王莽時又亡其六則漢時所習者止建武中所獲之九篇李賢注蓋有誤按今所傳石鼓文相承曰爲史籀作史篇亡而文屋有存者許君說文解字叙曰今叙篆文合曰古籀如首文从篆則重文載古作某籀作某若重文載古作某篆作某則首文卽从籀可知也

八體六技

漢志八篇

佚

漢書藝文志曰漢興蕭何州律箸其法曰太史試學童能諷書九千字曰上乃得爲吏又曰六體試之課最者曰爲尙書御史史書令史吏民上書字或不正輒舉劾六體者古文奇字篆書隸書繆篆蟲書皆所曰通知古今文字摹印信書幡信也

許慎說文解字叙曰秦書有八體一曰大篆二曰小篆三曰刻符四曰蟲書五曰摹印六曰署書七曰殳書八曰隸書漢興蕭何州尉律學僮十七曰上如試

諷籀書九千乃得爲吏又曰八體試之郡移大史并課最者曰爲尙書史官或不正輒舉劾之

又曰亡新居攝使大司空甄豐等校文書之部自曰爲應制作頗改定古文時有六書一曰古文孔子壁中書也二曰奇字卽古文而異者也三曰篆書卽小篆也四曰左書卽秦隸書五曰繆篆所曰摹印也六曰鳥蟲書所曰書繡信也

按八體六技當是漢興所試之八體合曰亡新改定之六書技字似誤蓋曰古文奇字易大篆刻符署書及書篆書卽小篆左書卽隸書繆篆卽摹印鳥蟲書卽蟲書漢興所試用

秦八體不止六體許氏說文叙甚明故江式
論書表孔穎達書正義俱从之班氏藝文志
既用七略載八體六技之目而叙論目八體
爲六體深所未諭隋志亦沿其失

李氏斯蒼頡

漢志一篇

佚

史記李斯傳曰李斯者楚上蔡人也年少時爲郡小
吏從荀卿學帝王之術學已成度楚王不足事西入
秦秦王拜斯爲長史官至延尉二十餘年竟并天下
尊主爲皇帝以斯爲丞相夷郡縣城銷其兵刃示不

復用使秦無尺土之封不立子弟爲王功臣爲諸侯
使後無戰攻之患始皇三十四年置酒咸陽宮博士
僕射周青臣等頌偁始皇威德齊人淳于越進諫始
皇下其議丞相丞相諺其說絀其辭乃上書請諸有
文學詩書百家語者蠲除之令到滿三十日弗去
黥爲城旦所不去者醫藥卜筮種樹之書若有欲學
者以吏爲師始皇可其議收去詩書百家之語以愚
百姓使天下無呂古非今明法度定律令皆以始皇
起同文書治離宮別館周徧天下明年又巡狩外攘
四夷斯皆有力焉

漢書藝文志曰倉頡一篇上七章秦丞相李斯所作

許慎說文解字叙曰秦始皇帝初兼天下丞相李斯乃奏同之罷其不與秦文合者斯作倉頡篇取史籀大篆或頗省改所謂小篆者也

顏之推家訓書證篇曰倉頡篇李斯所造而云漢兼天下海內并厠稀黥韓覆畔討殘滅

羅氏曰其篇雖名祖蒼頡而實異史籀

楊時曰圖書之文天實兆之非人私智之能爲也秦人以吏爲師嚴是古之禁盡滅先王之籍漢興去秦未遠也科斗書世已無能知者況數千載之後乎揚子曰言心聲也書心畫也世傳小篆蓋李斯趙高之徒以反古逆亂之心爲之其淵原可知矣

鄭樵通志曰斯字通古上蔡人秦丞相

吾邱衍學古編曰倉頡十五篇卽是說文目錄五百
四十字許慎分爲每部之首人多不知謂已久滅此
爲字之本原豈得不在後人又并字目爲十四卷目
十五卷箸叙表人益不意其存矣僕聞之師云

按李斯作倉頡篇首始有倉頡句遂呂名篇
循史游之急就也爰歷博學等名放此鄭注
周禮引倉頡鞞篇又引柯樞篇許氏說文
叙俚俗儒見倉頡篇中幼子承詔因曰古帝
之所作也其詞有神僊之術焉此七章中之
篇目可考也郭璞注爾雅引倉頡篇曰考妣

延年顏氏家訓書證篇引倉頡篇曰漢兼天
下海內并厠稀鯨韓覆叛討殘滅此七章中
之語句可考也至吾邱衍誤呂倉頡爲十五
篇且謂卽說文目錄五百四十字此乃其師
說之謬不足信也

趙氏

高

爰歷

漢志六章

佚

史記李斯傳曰始皇三十七年十月行出游會稽竝
海上北抵琅邪丞相斯中車府令趙高兼行符璽令
使皆從

又秦始皇本紀曰趙高故嘗教胡亥書及獄律令法
事胡亥私幸之

漢書藝文志曰爰歷六章者車府令趙高所作也

按漢書張湯傳曰傳爰書訊鞠論報師古曰
爰換也呂文書代換其口辭也劉奉世曰趙
高作爰歷獄吏用之啓昆謂爰歷篇漢書問
里師已合在倉頡篇中當時獄吏必不專用
爰歷或秦法相沿尙襲其名耳

胡母氏敬博學

漢志七章

佚

漢書藝文志曰太史令胡毋敬作

又曰蒼頡爰歷博學文字多取史籀篇而篆體復頗異所謂秦篆者也是時始造隸書矣起於官獄多事苟趨省易施之於徒隸也漢書閭里師合倉頡爰歷博學三篇斷六十字以爲一章凡五十五章并爲倉頡篇

司馬氏相如凡將

漢志一篇

佚

漢書司馬相如傳曰相如字長卿蜀郡成都人也少時好讀書學擊劍以訾爲郎事孝景帝爲武騎侍郎

非其好也客游梁著子虛賦上令尙書給筆札爲郎
數歲其後失官居歲餘復召爲郎相如奏賦拜爲孝
文園令相如已死遺札言封禪事奏焉它所著若遺
平陵侯書與五公子相難少木書篇不采采其尤著
公卿者云

漢書藝文志曰武帝時司馬相如作凡將篇無復字
元帝時黃門令史游作急就篇成帝時將作大匠李
長作元尙篇皆倉頡中正字也凡將則頗有出矣
隋書經籍志曰梁有司馬相如凡將篇一卷亡

程大昌演繁露曰漢小學家司馬相如作凡將篇其
後元帝時史游又作急就篇凡將今不可見矣藝文

類聚載凡將一語曰鍾磬竿笙筑坎侯與急就記樂之言所謂竿瑟箏篪琴筑箏者其語度規制全同率皆立語總事以便小學急就也者正規模凡將也

按說文解字口部引司馬相如說淮南宋蔡

舞嘯喻

俗本舞上有謂字宋本無之

當卽凡將篇句又文

選蜀都賦注引云黃潤鮮美宜制禪藝文類聚樂部引云鍾磬笙竿筑坎侯陸羽茶經引云烏啄枯梗荒華欸冬貝母木蓂蓂芩草芍藥桂漏蘆蜚廉薤茵苾葐白歛白芷菖蒲芒消莞椒茱萸皆呂六字或七字爲句體同急就惟所云白歛白芷與班志云凡將篇無復

字不合至說文禾部稊字引司馬相如曰稊
一莖六穗乃其封禪書語也

史氏游急就

漢志一篇

存

漢書藝文志曰元帝時黃門令史游作急就篇

張懷瓘書斷曰章艸者漢黃門令史游所作也玉情
云漢元帝時史游作急就章解散隸體漢俗簡情遂
以行之

陳振孫書錄解題曰其文多古語古字古韻有足觀
者

黃伯思跋曰自秦同書文丞相斯作蒼頡篇中車府
令高作爰歷篇太史敬作博學篇至文園令相如作
凡將篇黃門令游作急就篇皆書文之林苑欲識字
者不可不知惜哉凡將以上不可復見特急就存焉
者以昔賢多喜書之故也其文雖出小學家而亦西
京文氣未衰之際詞致雅馴故顏籀賞其清靡籀注
此書嘗得皇象鐘繇衛夫人王會稽等篇本備加詳
覈今世所傳惟張芝索靖二家爲真皆章草書而伯
英本祇有鳳爵鴻鵠等數行至靖所書乃有三之二
其闕者自母樽而下纔七百五十字此本是已蓋唐
人摹而弗填者神韻筆勢古風宛然予遂手榻一通

陶隱居謂之填郭書近世謂之雙鉤書蓋欲知筆徑
所自故爾予既手榻復補其遺字於弓終因以備忘
云大觀己丑歲十月朔

顧炎武曰知錄曰漢魏以後童子皆讀史游急就篇
晉夏侯湛抵疑鄉曲之徒一介之士曾諷急就習甲
子魏書崔浩表言太宗卽位元年勅臣解急就章劉
芳誤急就篇續注音義釋三卷陸贄擬急就篇爲悟
衆章又書家亦多寫急就篇魏書崔浩傳浩旣工書
人多託寫急就章從少至老初不憚勞所書蓋以百
數儒林傳劉蘭始人小學書急就篇家人覺其聰敏
北齊書李繪六歲未入學伺伯姊筆讀之聞輒竊用

未幾遂通急就章李鉉九歲入學書急就篇月餘便
通自唐以下其學漸微

明初武官諸勅用二十八宿編號永樂中字盡奉旨用漢

急就章字

崔氏

浩

解急就章

隋志二卷

佚

魏書崔浩傳曰浩字伯淵清河人也少好文學博覽
經史元象陰陽百家之言無不關綜研精義理時人
莫及弱冠爲通直郎天興中給祕書轉著作郎太祖
以其工書常置左右太宗初拜博士祭酒襲爵白馬
進爵東郡公拜太常卿加侍中特進撫軍大將軍左

光祿大夫遷司徒浩又上五寅元歷表曰太宗卽位
元年勅臣解急就章孝經論語詩尙書春秋禮記周
易三年成訖浩旣工書蓋人多託寫急就章從少至
老初不憚勞所書蓋以百數必稱馮代疆疑以示不
敢犯國其謹也如此浩書體勢及其先人而妙巧不
如也世寶其迹多裁割綴連以爲模楷

顧炎武日知錄曰魏書崔浩傳浩旣工書人多託寫
急就章從少至老初不憚勞所書蓋以百數必稱馮
代疆以示不敢犯國其謹也如此史於馮代疆下注
曰疑按急就篇有馮漢疆魏起漠北以漢疆爲諱故
改云代強魏初國號曰代故也顏師古急就篇序曰

避諱改易漸就蕪舛正指此酈道元水經注以廣漢並作廣魏卽其例也

豆盧氏急就章

隋志三卷

佚

北史豆盧寧傳曰寧昌黎徒何人其先本姓慕容氏燕北地王精之後也高祖勝以燕皇始初歸魏授長樂郡守賜姓豆盧氏或云北人謂歸義爲豆盧因氏焉又云避難改焉未詳孰是

按豆盧氏急就章隋志不載其名今述北史以著其得姓之由云

劉氏芳急就篇續注音義證

三卷見北史

佚

北史劉芳傳曰芳字伯支彭城叢亭里人漢楚元王
交之後也才思深敏特精經義博聞強記兼覽蒼雅
尤長音訓辨析無疑昔漢世造三字石經於太學學
者文字不正多往質焉芳音義明辯疑者皆往詢訪
故時人號爲劉石經芳撰鄭元所注周官儀禮音于
寶所注周官音王肅所注尙書音何休所注公羊音
范甯所注穀梁音韋昭所注國語音范曄後漢書音
各一卷辯類三卷徐州人地錄二十卷急就篇續注

音義證三卷毛詩箋音義證十卷禮記義證十卷周
官儀禮義證各五卷崔光表求以中書監讓芳宣武
不許卒贈鎮東將軍徐州刺史諡文貞侯

曹氏

齊

急就章解

舊唐志一卷

佚

顏氏

之推

急就章注

舊唐志一卷

佚

顏氏

師古

急就章注

舊唐志一卷

存

師古自序曰急就篇者其原出小學家昔在周宣粵

有史籀

音胃

演暢古文初著大篆秦兼天下罷黜異書

丞相李斯又撰蒼頡中車府令趙高繼造爰歷太史

令胡毋

音無

敬作博學篇皆所以啓導青衿垂法錦帶

也逮至炎漢司馬相如作凡將篇俾效書寫多所載

述務適時要史游景慕擬而廣之元成之閒列於祕

府雖復文非清靡義闕經綸至於包括品類錯綜古

今詳其意趣

七句反

寔有可觀者焉然而時代遷革亟

經喪亂傳寫湮訛避諱改易漸就蕪舛莫能釐正少

者闕而不備多者妄有增益人有已私流宕

徒浪忘反

返至如蓬門野賤窮鄉幼學遞相承稟猶競習之既
無良師祇增僻謬若夫縉紳秀彥膏梁子弟謂之鄙
俚恥於窺涉遂使博聞之說廢而弗明備物之方於
茲寢滯師古家傳蒼雅廣綜流畧尤精訓故待問質
疑事非稽考不妄談說必則古昔信而有徵先君師古
父思常欲注釋急就以貽後學雅志未申昊天不弔
奉遵遺範永懷罔極舊得皇象鍾繇衛夫人王羲之
等所書篇本備加詳覈足以審定凡三十二章究其
真實又見崔浩及劉芳所注後魏太宗元年敕崔浩
解劉芳續注音義證三
卷人心不同未云善也遂因暇日爲之解訓皆據經
籍遺文先達舊旨非率愚管斐然妄作字有難識隨

而音之別理兼通亦卽竝載可以祛發未寤矯正前
失振幽翳之學摠制述之意庶將來君子裁其衷焉
羅願跋曰右急就一篇漢黃門令史游作唐祕書監
顏師古爲之解訓此書舊分三十二章前代能書者
多以草書寫之今世有一本相傳是吳皇象寫比顏
解本無焦滅胡以下六十三字又頗有訛脫顏本不
分章象所寫三十一章而已國朝至道中太宗皇帝
嘗親書此篇又於顏本外多齊國給獻以下百二十
八字凡爲章三十有四此兩章蓋起於後漢按舊篇
末說長安中涇渭街術故此章亦言洛陽人物之盛
以相當而鄠縣以世祖卽位之地升其名爲高邑與

先漢所改真定常山竝列此爲後漢人所續不疑近
時豫章黃太史手校本出於太和縣人家亦有此兩
章黃於篇中時小小箋釋而顏解本亦自有詳略不
同會戶部郎總六道賦天水趙公汝謹欲自正傳廣
之乃錄至道御書三十四章登於卷首且用今禮部
侍郎眉山李公燾所藏顏解本校鄂州通守臨江劉
子澄清之家本寫之次於御書正文之後益考驗同
異附以黃太史所箋升注爲大字以便觀者可傳於
後古者學童六歲至十歲教之數與方名及朔望六
甲書計之事蓋自末以窮本由藝以達道濫觴乎小
學之原而涵泳乎大學之海終其身不厭至秦不然

棄其道本而志其執末丞相李斯等雖頗作蒼頡爰
歷博學等篇然天下方專學法令以吏爲師詩書六
藝之言棄不習學者進無所依退無所玩自童幼鄙
之以爲足記姓名而已又其篇雖名祖蒼頡而實異
史籀時益多事而徒隸之字方起漢興稍開書禁兼
崇字學吏民上書頗劾其不正者然古來用字約少
板策所書多者纔百名以上今漢代試爲史者一童
所記至九千字烏覩古所謂正哉游當孝元時去斯
等已遠獨能取其篇中正字類而韻之以爲此書使
操觚學童不隨俗迷誤是時元帝善史書而游爲此
篇皆稍稍近古傳稱游勤心納忠有所補益豈此類

耶自東漢杜度張芝善隸法始用以寫此章號章艸
說者因謂草書起於游葢不察游作此書之意今篇
中所摭蒼頡正字其體雖不存而其讀具在因可以
見漢世官府市理之名物又得顏氏解訓而益明可
用虞覽然顏以慈姓爲祖於宣慈惠和之才子審姓
爲出於審曲面勢者名忠敬與愛君而必以爲慕趙
盾鬻拳解距虛卽蛰蛰以檻車膠爲膠人之目謂老
復丁爲蠲其子孫之役亦不皆是顧作者以錄古文
而解者以著漢事雖非詩書論世之學要主於好古
存舊且其語亦微有勸不若後世俗師俚童相教以
歸訟之書故因定著之以爲前世小書其偶存者猶

如此學者亦因有啓焉淳熙十年十月望日

晁公武讀書後志曰漢史游撰唐顏師古注游元帝時爲黃門令凡書三十二章雜記姓名諸物五官等字以教童蒙急就者謂字之難知者緩急可就者求焉自昔善小學者多書此故有皇象鍾繇衛夫人王羲之所書傳於世

王氏應麟急就章注

四卷

存

宋史儒林傳曰王應麟字伯厚慶元府人九歲通六經淳祐元年舉進士初應麟登第言曰今之事舉子

業者沽名譽得則一切委棄制度典故漫不省非國家所望於通儒於是閉門發憤誓以博學宏辭科是見假館閣書讀之寶祐四年中是科授中書舍人兼直學士院遷禮部侍郎兼中書舍人尋轉尙書兼給事中左丞相疏不報遂東歸後二十年卒所著有補注急就篇六卷

應麟自序曰漢藝文志小學十家蒼頡篇見考工記

注者唯匏

四學反

菴

人充反

柯櫨

張玉反

四字凡將見文選

注藝文類聚者唯黃潤纖美宜制禪鐘磬竿笙筑坎侯二句訓纂見史記正義者唯戶扈鄂三字其厘存者急就篇而止耳隋唐志始謂急就章崔浩寫以百

數劉蘭入小學書之李鉉九歲入學書之月餘卽通
李繪六歲亦通此章是以其學至唐猶博顏師古祖
之推嘗爲之注淵源有自來矣蓋君子恥一物之不
知倫類不通不足爲善學嘗觀衆仲對氏族師服申
繻論名子籍談忘司典之後景王以爲譏衛侯以辟
彊爲名周人不肯受繫之以姓著於世本字而不名
貴於春秋故始之以姓氏名字學詩多識鳥獸草木
之名論語備錄衣服飲食之制陶宏景讀書萬卷尤
明醫術本艸韓文公謂禮樂名數方藥之書未有不
通此而爲大賢致知在格物觀物以觀我生故次之
以服器百物周書言學古入官子產云學而後入政

董仲舒以春秋斷獄雋不疑以經術決事若授之以
政不達宋泉之孝經蘇威之五教人到於今羞之故
終之以文學法理器無非道學無非事其義不可須
臾舍也鴻生鉅儒不敢以小書忽焉輯州名撫奇字
悉放其體諸經義疏引之者五

周禮考工記疏引分
別部居不雜廁諸葛

蘭席天官疏引司農少府國之淵
左傳正義引蕪荑鹽政項

界畝後漢書注引之者

一 張敏傳注引臯
陶造獄法律存

韻書亦援以言姓氏班孟堅之用

祿飾潘安仁之用乘風王禹玉之用奇觚宋景文之
用韞韞朱文公之用老復丁至於不借籀籒堯翁無
等雙之語臨川山谷詩皆采掇之博觀而約取之難
與耳學者言也古者保氏教六書外史達書名漢循

有課試舉劾之法故馬尾之書必謹自篆而隸自隸而橐鍾王之後以意行書先漢遺文古事寢以晦昧急就雖存而曹壽劉芳豆盧氏顏之推注解軼而不傳昔以字爲童蒙之學今有皓首未覲者俗書溢於簡牘書音流於諷誦襲浮踵陋視名物數度若弁髦而大學之基不立迺因顏注補其遺闕擇衆本之善訂三寫之差以經史諸子探其原以爾雅方言本草辯其物以詩傳楚辭叶聲韻以說文廣韻正音詁若閎閭之相混得於釋文摘摭之所出取於莊子稽極之誤因說文通釋而知利親勝客之類因史記漢表而見簧當作箇輦當作搯壘當作至實事求是不敢

以臆說參焉疑者闕之以俟後之君子李斯作蒼頡篇後人附益末章乃有漢兼天下此篇齊國山陽兩章亦然略解其義綴於下方夫物有本末理無小大循序致精學之始事也雖然毫學而爲童習其能免玩物愛奇之失乎

四庫全書題要曰漢書藝文志注稱游爲元帝時黃門令蓋宦官也其始末則不可考矣是書漢志但作急就一篇而小學類末之叙錄則稱史游作急就篇故晉夏侯湛抵疑稱鄉曲之徒一介之士曾譏急就通甲子北齊書稱李鉉九歲入學書急就篇或有篇字或無篇字初無一定隋志作急就章一卷魏書崔

浩傳亦稱人多託寫急就章是改篇爲章在魏以後

然考張懷瓘書斷曰章草者漢黃門令史游所作也

王愔云

案此蓋引王愔文字志之語

漢元帝時史游作急就章解

散隸體漢俗簡情漸以行之是也然則所謂章草者
正因游作是書所以變草法書之後人以其出於急
就章遂名章草耳今本每節之首俱用章第幾字知
急就章乃其本名或稱急就篇乃偶然異文也其書
自始至終無一複字文詞雅奧亦非衆求諸書所可
及玉臺新詠載梁蕭子顯烏栖曲有帶邊雜佩琥珀
龍句馮氏校本改龍爲紅今檢此書有繫臂琅玕虎
魄龍句乃知子顯實用此語馮氏不知而誤改之則

遺文瑣字亦頗賴以有徵不僅爲童蒙識字之用矣
舊有曹壽崔浩劉芳顏之推注今皆不傳惟顏師古
注一卷存王應麟又補注之釐爲四卷師古本比皇
象碑多六十三字而少齊國山陽兩章止三十二章
應麟藝文志考證標真定常山至高邑句以爲此二
章起於東漢最爲精確其注亦考證典核足補師古
之闕別有黃庭堅本李燾本朱子越中本字句少有
異同應麟所注多從顏本蓋以其考證精深較他家
爲可據焉

按孫觀察星衍誤急就篇攷異一卷自序曰
急就章漢史游所作蓋草書之權輿

唐張懷瓘十體

書斷云按章草者漢黃門令史游所作也王
愷云漢元帝時史游作急就章解散隸體
書之漢俗簡情漸以行之是也此乃存字之
梗槩損隸之規矩縱任奔逸赴速急就因草
創之義謂之章草書斷云懷瑾案章草之
之草書謂之章草書字字區別張芝變爲
今草加其流速上下牽連或借上字之終而
爲下字之始呼史游草爲章因張伯英草而
謂其文比篆隸爲流速故名急就草書之始

蓋出於篆或以謂解散隸體隸書之非也書

云梁武帝草書狀曰蔡邕云昔秦之時諸侯
爭長簡微相傳望烽走驛以篆隸之難不能
救速遂作赴急之書蓋今之草是也又董仲
舒欲言災異草藁未上姚察曰草猶隸也隸
書爲本曰藁據此知秦時及漢初已有草書
則神謹草創及屈原屬草藁疑卽草書又不
始於史歷代傳摹急就漢有張芝書斷云張
芝字伯英
草誕云其草書急就章皆一筆而成宋黃伯
思東觀餘論云今世所傳惟張芝索靖二家

爲真皆草書而伯英書崔瑗清和書畫筋似祇有鳳爵鴻鵠等數行崔瑗清和書畫筋似崔瑗臨史魏有鍾繇玉海引太宗寶錄云先游急就章魏有鍾繇是下詔求先賢墨跡有以鍾繇書急就章吳有皇象晉有衛夫人王爲獻字多時駁義之見唐顏師古序又陶宏景土武帝書云脫憶此語當是索靖東觀餘論云靖所書乃零落已不復存索靖有三之二其闕者自母縛而下纔七百五十字此本是已蓋后入摹而未填者葉夢得石林集云索靖章草急就篇一千四百五十字闕七百五十九字余聞世有此唐人硬黃臨本舊矣紹興甲子偶得祕書郎黃長客雙後魏有崔浩魏書崔浩傳鈞所摹於福唐後魏有崔浩浩既工書人多託寫急就章從少至老初不憚勞所書蓋以百數必稱馮代疆以示不敢犯國其謹也如唐有陸柬之見宣和時人又多臨本朱米此章待訪錄云皇象急就唐撫奇宋有太宗御絕在相張公齊賢孫名直清處

小學考 卷九

三

書

玉海太宗寶錄端拱二年十月丙戌以御書急就章藏於祕閣羅願記云國朝至道

中太宗皇帝嘗親書此篇又於顏本外多齊國給賦以下百二十八字凡為章三十有四

此兩章蓋起於後漢東坂集云終黃庭堅李南太平宮有太宗急就章一卷

仁甫朱文公皆有刻本

見玉海

元有鄧文原

見注

珂玉珊

明有仲溫

王世貞集余家藏仲溫急就章二百年矣取葉少蘊

刻皇象石本閱之大小行模及前後缺處若一波撇小異耳

俞和

見王世貞集

注之者有後漢曹壽

舊唐書經籍志急就章一卷史游誤曹壽解

魏劉芳

北史本傳芳誤急就章續注音義證三卷

周豆盧氏

隋書經籍

志急就章三卷豆盧氏誤

齊顏之推

舊唐書經籍志急就章注一卷顏之推誤

今所見法帖有紹聖三年勒石本與玉篇所

載碑本文字異同皆合則即王應麟所引碑

本也所存注解惟顏師古及王應麟本餘無

存焉葉夢得石林燕語史游急就章二千二

十三字相傳爲吳皇象書摹張郡公家本文

云索靖章草急就篇一千四百五十字紹興

甲子偶得祕書郎黃長睿雙鈞所摹於

按今紹聖本纔一千三百九十九字前題史

游名知卽索靖本故大學士梁國治有臨本

字小於紹聖本缺字較少不言據何本而相

國書脫誤亦多二章所不侵作不便三章舒

貨作資倏十章奏作夾十七章予疑脫筆字

十八章載紹興字善勒脫勒字廿一章作

雨鴻字廿二章釋文以予惜顏注本既不依

忘爲惡響爲盈之類

小學考

卷九

主

古本分章玉海所稱碑文異字核之今帖尙有遺漏因以帖本爲定校各本文字爲考異一卷漢時小學書有倉頡爰歷凡將勸學諸篇皆軼不存惟藝文志所載急就有完本又可彷彿史游筆法中多古字古音皆倉頡中正字先於許氏說文其羅列名姓諸物五官者姓不與名連屬名取嘉名諸物五官舉其大略備世行用不獨初學於此究心亦通人所宜實事求是故鄭康成孔穎達注經李賢注史皆引此書今按其文妙作眇藏作臧隸釋作索擇奩作蘇莖作比筌篴作空侯纒作

疆韜作葺駢驅作距虛脹作張癩作顛葶蘆
作亭歷潔作絜境作竟皆可以證俗書之謬
凡从竹之字寫爲艸可知蒹卽蒹字蒹卽簡
字而本草經青蒹子及詩秉蒹亦俗書也詩釋
文云本作簡此卽蒹後世既不識草書故各
借音字不必从艸本所釋急就亦有岐舛如以榮爲崇昌爲岡
他爲化尊爲荀絜爲素稽爲皆鞠爲粉骨爲
胷治爲詔之類尤數之不能終而十一章導
見漢書及說文今釋爲導廿八章文有狸兔
飛角狼麋麇按說文角是兔之籀文音丑畧
切今釋爲鳧字獸之屬安得有鳥名卅章文

有厥覺沒人檄報畱驟卽驟省文或釋爲聊
或爲輒俱不詞矣昔三代古文爲秦變篆爲
隸嘗恨孔壁諸經亡於西晉竟無傳本邯鄲
淳三體石經僅存一二於隸釋韓愈所稱李
陽冰有科斗孝經衛宏官書兩部合一卷亦
不可見急就變草書爲眞字有撫本可以按
勘老成典型庶幾不墜歟夫草從篆生故正
字先書戈後書止以止包戈無字上爲卅下
爲亡省大省林稟从禾釜从父鹿頭从甘卷
首从采也眞出於草故能誤則爲化修誤則
爲脩嬭誤則爲嬭疊誤則爲疊一隅可以反

三後世字體與小學屢變而失其初章草則
字字區別一變爲今草再變爲懷素張旭書
而上下牽連矣倉頡急就說文古字假借轉
聲已周於事一變爲字林玉篇而偏傍滋益
近鄙別字且行於經典矣予於此篇備述原
流以貽知者冀以正定文字若其箋釋已有
顏王或疑史游以元帝時爲急就章而史稱
元帝善史書卽爲見其書而善之是帝能爲
章草亦或然也嘉慶三年青龍在戊午

戴氏表元急就篇註釋補遺

三篇見剡源文集

未見

表元自序曰古之君子不以道廢物自一藝以上苟有所益於人雖農匠庖祝之賤猶且親爲之粵大聖人亦莫不爲若黃帝之醫藥虞舜之陶漁夫子之牛羊會計皆是物也夫古之聖賢豈以殫力疲飢爲異人之能也哉後之君子平居侈然論古先王之道若不足爲而問之以目睫之事於其所服食於其所居處於其所游衍肄業有日與之接而不知其名義者焉豈不大惑耶余之幼也被沐父兄之教凡小學之所當講者幸而得其端倪氣昏質陋中道輒畫年益長而悔之乃始拊膺持頰以自刻厲而文獻凋零微

言就絕一時交友方共詆傷以爲不切於事每至耕
鋤之餘酬晝之頃有觸於心必默識而私求之家罕
書籍有急就篇一卷漢黃門令史游所撰唐宏文館
學士顏師古所註又經新安朱先生仲晦所校自謂
名本然而篇中正文絕無音訓注之所及疑義尙多
竊不自量爲之補其遺闕兼有異同之說載於左方
嘗觀洙泗以來師友會辨皆互出所疑以相扣荅然
後理盡而學精使顏朱二公而在余固願得而面請
也又惟古人著書動緣教戒而作此書本取急速成
就其辭以便於章習而四民之業百用之宜靡不周
究秦人以法吏爲師公私宦學轉相受襲故以吏文

終焉儒者欲求漢學惟齊魯諸生訓注猶近古哉

李氏

孝謙

急就章解

浙江通志書目一卷

存

張時微寧波府志曰李本字孝謙以字行鄞縣人著
急就章解

萬氏

光泰

急就篇補注

續通考二卷

存

杭世駿詞科掌錄曰萬光泰字循初秀水人廩生浙
江總督上蔡程公薦舉博學宏詞乾隆丙辰入京舉

京兆秋試循初少年有高才詩骨秀朗小詞溫麗如
周秦體弱不勝衣而文章氣奪萬夫罷後客津門查
氏著轉注緒言二卷漢音存正二卷遂和堂類音辨
一卷

光泰自述曰史游急就篇顏師古王應麟二注詳矣
首七章言姓名姓氏宋延年鄭子方等類顏以宋鄭
爲姓延年子方爲名王亦仍之竊意史氏必皆姓名
兼舉如韓魏唐柏杜楊尹李桑之例二注偏舉未盡
因取可考之氏補注其下未見者缺焉篇中兩句一
韻舊以伊嬰齊聞歡忻爲斷章頗失其本茲以一韻
截爲一節若乃屈宗談率安期宜韻而不韻字經三

寫或者猶有誤焉

歐陽氏修急就章

一卷在本集

存

胡翰跋曰文忠公在史館日朝廷大制作皆出其筆而餘力顧有及於小學家之流其文蓋本漢黃門令史游而稍變其體昔游倣凡將爲急就篇末叙長安中涇渭之術後人增以齊國山陽二章意公取州名哀次者亦緣此也公之手澤在人間往往獲見於兵火之餘皆行書片紙未有若此之凝重茂美終卷無一字苟者自當與其文共傳爲世所寶也今上人賢

公以爲艸堂所蓄舊物不欲輒出示人吾恐非文忠之意故常欲取皇象鍾繇王羲之所書漢急就章與此合爲一卷模而刊之備小學一家以廣其傳云

王氏

應麟

姓氏急就章

一卷

存

王氏

禕

急就章

三篇在忠文集

存

禕序曰急就章小學之流也漢元帝時黃門令史游始爲之初秦李斯等作蒼頡爰歷博學等篇而漢興

以來徒隸之字是用字學日以不正游乃取其篇中正字類而韻之爲三十二章東漢杜度張芝善隸法用以爲此章號章草世遂爲艸書起於游而不知游所用者本正字也其學至唐猶傳蓋所傳者讀而其體則無傳矣宋大儒廬陵歐陽公及四明王應麟復以州名姓氏爲之則皆棄其體而用其讀者然今之習其讀者固已鮮也余治經之暇偶取禹貢詩周官山川草木鳥獸六官之名爲三篇以示諸子姓始猶續古小學之遺意非敢爲博雅君子道也

李氏

長元尙

漢志一篇

佚

班固曰成帝時將作大匠作元尚篇皆倉頡中正字也

揚氏雄訓纂

漢志一篇

佚

漢書藝文志曰元始中徵天下通小學者以百數各令記字於庭中揚雄取其有用者以作訓纂篇順續倉頡又易倉頡中重複之字凡八十九章

又揚雄傳曰雄少而好學不爲章句訓詁通而已

又曰其意欲求文章成名於後世呂爲經莫大於易

故作太元傳莫大於論語作法言史篇莫大於倉頡
作訓纂

許慎說文解字叙曰孝宣皇帝時召通倉頡讀者張
敞從受之涼州刺史沛人爰禮講學大夫秦近亦能
言之孝平皇帝時徵禮等百餘人令說文字未央庭
中呂禮爲小學元士黃門侍郎揚雄采以作訓纂篇
凡倉頡以下十四篇凡五千三百四十字羣書所載
略存之矣

按史記正義引訓纂戶扈鄠三字一也王伯
厚指爲篇中正文攷之通典乃姚察漢書訓
纂耳

揚氏雄別字

漢志十三篇

佚

揚氏雄倉頡傳

漢志一篇

佚

揚氏雄倉頡訓纂

漢志一篇

佚

按揚雄倉頡訓纂隋經籍志已不列其目蓋其亡久矣說文解字肉部膃引揚雄說鳥膃

也。𢇇引揚雄說。𢇇第舛部引揚雄舛从足春
晶部疊引揚雄說。以爲古理官決罪三日得
其宜乃行之。从晶从宐。糸部絳引揚雄。𠂔爲
漢律詞宗。廟丹書告手部。揅重文拜引揚雄
說。拜从兩手下。又龜部鼃引揚雄說。匿鼃蟲
名。廣韻鼃引倉頡篇。蟲名。知卽訓纂也。又說
文解字。由部𠂔引杜林。𠂔爲竹筥。揚雄。𠂔爲
蒲器。斗部幹。揚雄。杜林說。皆𠂔爲輶車輪。幹
揚與杜竝有。倉頡訓纂。故許君亦兼引之也。
至氏部引揚雄賦曰。響若氏隤。傅賦者。𠂔別
於訓纂也。

杜氏林倉頡故

漢志一篇唐志二卷

佚

漢書藝文志曰倉頡多古字俗師失其讀宣帝時徵齊人能正讀者張敞從受之傳至外孫之子杜林爲作訓故并列焉

杜鄴傳曰鄴少孤其母張敞女鄴壯從敞子吉學問得其家書

又曰鄴從張吉學吉子竦又幼孤從鄴學問亦著於世尤長小學鄴子林清靜好古亦有雅材建武中歷位列卿至大司空其正文字過於鄴竦故世言小學

者由杜公

隋書經籍志曰梁有倉頡二卷後漢司空杜林注亡
姚寬西溪叢語曰杜鄴子夏尤長小學謂文字之學
也周禮八歲入小學保氏教國子以六書故因名云
鄴子林好古有雅才建武中歷位列卿至大司空其
正文字過於鄴故言小學者宗於杜林三蒼蒼頡篇
訓纂篇滂喜篇三蒼一卷郭璞注秦相李斯作蒼頡
篇揚雄作訓纂篇後漢郎中賈魴作滂喜篇故曰三
蒼梁有蒼頡二卷杜林注見隋經籍志又小學篇一
卷晉下邳內史王羲之撰又小學九篇楊方撰始字一
卷勸學一卷蔡邕撰司馬相如作凡將篇班固太甲

篇枉昔篇崔瑗飛龍篇蔡邕聖皇篇黃初篇吳章篇
蔡邕女史篇合八卷又幼學二卷朱育誤始學十二
卷吳郎中項峻誤又月儀十二卷亡發蒙記一卷晉
著作佐郎束皙誤張揖字詁漢張衡傳注有蒼頡篇
漢安紀注云蒼頡篇云耶舍也又曰帝年十歲好學
史書注云史書者周宣王太史籀所作之書也凡五
十五篇以教童蒙魏王粲傳云邯鄲淳博學有才特
善蒼雅蟲篆通典云漢官儀云能通蒼頡史籀篇補
蘭臺令史滿歲爲尙書郎法言學蒼頡史籀篇注謂多
知奇難之字三蒼訓詁三卷埤蒼二卷並張揖誤廣
蒼一卷樊恭謨見唐經籍志又有郭氏字指何承天

纂文又有呂忱字林郭璞三蒼解詁阮孝緒字略

新唐書藝文志曰杜林蒼頡訓詁二卷

按說文解字艸部董引杜林曰蔦根芎引杜
林說芎从多葶引杜林說艸葶葶兒米引杜
林說亦朱米字巢部粦引杜林說呂爲貶損
之貶而部耐云彤字本从彡杜林改从寸杜
林呂爲法度之字皆从寸水部渭引杜林說
夏書呂爲出鳥鼠山耳部耿引杜林說耿光
也从光聖省女部嫫引杜林說嫫醜也袞引
杜林說加教於女也夔引杜林說卜者黨相
詐驗爲夔由部𨾏引杜林呂爲竹筥屨部屨

引杜林曰爲朝旦斗部幹引杜林說輶車輪
幹史記索隱引杜林云豺侶類白色皆倉頡
故之文也

賈氏魴滂喜篇

隋志一篇

佚

隋書經籍志曰後漢郎中賈魴作滂喜篇

北史江式傳曰李斯破大篆爲小篆造蒼頡九章趙
高造爰歷六章胡毋敬造博學七章後人分五十五
章爲三卷上卷至哀帝元壽中揚子雲作訓纂爲中
卷和帝永元中賈叔郎接記滂喜爲下卷故稱爲三

蒼

徐鉉曰賈飭以三倉之書皆爲隸字隸字始廣而篆籀轉微

張氏

揖

三倉訓詁

唐志三卷

佚

按張揖三倉訓詁三卷隋志無之惟見唐志

郭氏

璞

三倉注

隋志三卷

佚

晉書郭璞傳曰璞好古文奇字注釋爾雅別爲音義

圖譜又著三蒼方言皆傳於世

隋書經籍志曰秦相李斯作蒼頡篇漢揚雄作訓纂篇後漢郎中賈鮪作滂喜篇故曰三蒼

按郭璞注三蒼亦稱解詁原書已亡於宋其見於傳注字部類書內典所引者近孫氏星衍輯爲一書凡三卷所采張揖訓詁及郭璞解詁皆存郭璞之名惜無可別者尙多

今本蒼頡篇

二卷

存

孫星衍序曰倉頡七章者秦李斯所作一篇者趙高

胡毋敬所益五十五章者漢閭里師所并八十九章者揚雄所續一百二十章者班固所續訓詁一篇爲二卷者杜林所譔三倉三卷者晉張軌所合三蒼訓故三卷者魏張揖晉郭璞所譔趙高爰歷胡毋敬博學在倉頡中揚雄訓纂賈魴滂喜在三倉中杜林故亡於隨倉頡三倉及故亡於宋然自漢及唐迄於北宋傳注字部類書內典頗有引者星衍始刺其文譔爲三卷訓纂解故卽用說文部居使讀者易於尋覽倉頡始作其例與急就同名之倉頡者亦如急就以首句題篇凡將飛龍等皆是詞或三字四字以至七字備取六藝羣書之文以便幼學循誦故七略目之

小學揚雄班固杜林已下始有訓故今許君說文解
字所稱揚雄杜林班固說卽倉頡篇也許君云鼂揚
雄說匱鼂蟲名廣韻引倉頡篇蟲名知卽訓纂許君
云鼂或从寸諸法度字从寸應劭以爲杜林說釋元
應禪經音義亦云耐字本从彡杜林改从寸知說文
稱或从卽倉頡訓纂也今皆取之訓纂與訓故俱亡
然元應稱訓纂鰾蛇魚也疑卽是若張守節史記正
義引訓纂戶厄鄂三字一也王應麟誤以爲倉頡考
之通典乃姚察漢書訓纂耳今無取也杜林書亡見
於隨志故唐人引倉頡三倉多雜反語實出郭璞爲
多或亦名張揖然應劭晉灼及張衡賦舊注所稱倉

頡皆在揖璞之前寔是揚杜之書無可疑者今依諸書所引存揖璞名餘或古說蓋未可別且以璞注此書親見漢人訓纂諒非無據矣倉頡本篆書班固云文字多取史籀篇而篆體復異所謂秦篆又云倉頡多古字許君亦云所謂小篆則此篇之字自當具在說文而今僕輟叵倨之屬並非正字當由漢魏隸書盛行亦或傳寫此篇故多譌謬改便驚俗今附見諸部旁標正文都由考據得之非臆見也漢律學僮試諷籀書爲吏又以八體課最爲尙書史唐國子監五分其經以爲業暇則命習隸書國語說文字林三倉爾雅故其時學人能通古文訓故用字廣至萬餘皆

有依據如揚雄司馬相如陸機等所著詞賦猶取爪

掌

音兆 攀 卑 貶 吹 音

諸文六代翻譯禪經忘衣笮笮烏

鴉之屬亦多借倉雅難字豈非家有傳書教學多方

者歟自是厥後羣書日亡小學不課儒者識字日少

九經所存不能遍記行用之字數千而已官府吏民

文簿滋繁字或不給於是造爲俗書不按經典如今

以套代韜卡代拿撈代笮挖代挖及龔

皆見說文

流俗相

傳愈失其本諸儒說文又以如心爲恕立心如一日

爲恒教者教乎孝故從孝以此而言甚於馬頭人人

持十之類矣國家廣求遺書藏於祕閣其有佚者儒

臣皆依宋樂大典誤集成編說文既盛行於時惟倉

頡不可得倉頡者許君所據特成於衆手又隨章句成義多非六書本訓故有異於說文者若陶用甸訓卽用章訓強本蟲也而以爲健殿本擊也而云大堂有謬於說文者若𦣻从冂象持𦣻而以爲持𦣻𦣻从𦣻省而以爲𦣻聲有長於說文者若𦣻𦣻俱𦣻也而以𦣻爲多汁𦣻爲少汁繪帛也而以爲雜帛續絮也而以爲細絮觀其會通要是古書不可不覽頃禮部儀制司任君大椿集字林八卷索之彌月始獲一見星衍以戊辰之歲讀書江寧瓦官寺閣游覽內典見元應一切經并慧苑華嚴經音義引倉頡爲多隨加鈔摭兼采儒書閱五年矣粗具條理刊而行之庶亦

小學之助元應慧苑之書世多不傳宋人博雅如朱文公王伯厚亦未之見中引古書尤多足與陸德明經典釋文並垂於世星衍又嘗揄揚其美屬友刊行焉乾隆四十九年太歲在甲辰十一月十日譔在陝西撫署

畢沅序曰孫明經以乾隆辛丑刊所集倉頡篇於西安節署予爲序而行之閱五年明經刺取書傳所得益多又以曩刻篆文不通於俗遂復刊於大梁仍屬予序予以爲漢世小學書存者惟有急就說文說文本諸倉頡倉頡既佚故說文之訓不可明世反以疑叔重之語按鄭司農注周禮有秣稊麻荅之言四字

當卽倉頡篇則說文以荅爲小未之義明推之以宋
爲居萬爲蟲之屬皆本三倉無足怪矣今說文盛行
倉頡不可得予嘗游祕閣見永樂大典尋檢此書亦
無完篇明經博窮書傳自六經子史傳注類書釋道
二藏靡所不覽凡得數千言蒼頡皆古文傳寫者或
亂其本唐宋人所引多未審正明經又善解六書甄
別俗字往所考證經典以春秋傳以藏陳事之藏爲
當是菁爾雅山左右有岸屈之爲當是厓一時注經
人多取其言今觀是篇若以凸爲由之據黃韻舛舛
爲芻躬之據廣雅鼯爲癰之據論衡寫爲鷓之據說
文厖爲磨之據漢書之類旁所添注皆非臆說明經

所著復有九經正俗字考亦仿此例其書未成予向著經典辨證文字書頗爲好小學家所行用又著詩詁一書於中考證文字似勝陸元期唐元度諸人皆援引古書是正今文他日出與明經讀之知必首肯今世之小學家有錢少詹事辛楣王水部懷祖江處士叔澐段大令若膺及錢判官孫明經皆予所素稔予亦雅好此學魯哀欲學小辨以觀於政子曰爾雅以觀於古足以辨言矣周公政成著周官又著釋詁其訓多自輿論法解相同毛氏亦稱建邦能命龜田能施命作器能銘使能造命登高能賦師旅能誓山川能說喪紀能誅祭祀能語可以爲大夫則知古人

之學固通於政倉雅之學宜亦予序業及之也明經
從予遊五六年悉其致學之苦心因爲述梗槩如此
乾隆五十年太歲乙巳序於大梁節署

張氏揖埤倉

隋志二卷

佚

魏書江式傳曰魏博士清河張揖著埤倉廣雅古今

字詁

埤廣綴拾遺漏增長字類然
字詁方之許篇或得或失

陳畱邯鄲淳亦與

揖同博聞古藝特善倉雅許氏字指八體六書精究

閑理有名於揖以書教諸皇子又建三字石經於漢

碑西

封演聞見記曰埤倉廣倉字指字詁字苑字訓文字
志文字譜之類互相祖述名目漸多

今本埤倉

二卷

存

陳鱣敘錄曰魏張揖撰埤倉二卷按揖字稚讓清河
人太和中爲博士多聞古藝特善倉雅後魏江式俛
其與陳畱邯鄲淳齊名所著別有廣雅三卷古今字
詁三卷雜字一卷又三倉解詁三卷解司馬相如傳
一卷而陳壽三國志不爲立傳良可惜也揖之書隋
唐志並載其目今惟廣雅獨存餘皆亡逸然自晉梁

汜北宋傳注字部類書釋典俱有引埤倉者知卽亡
於南宋時矣鱸少時嘗從所見羣書中集爲一卷第
隨各書采錄未及詳校乾隆五十四年客京師始補
治之用說文部分編次使讀者易於尋求三倉之字
具在說文此所謂埤蓋雜取漢魏閒俗字方之許書
或得或失如苾爲大香諄爲告曉之熟瞞爲明察髀
爲尻骨之類皆與說文合又如譖多言也揀擇也按
說文作詹多言也从言从八从𠂔東分別簡之也从
束从八八分別也此詹旁加言東旁加手寔爲贅矣
至其說有可目互證經典者如箱序也字或作廂按
說文有箱無廂急就篇云東箱觀禮云俟於東廂漢

書周昌傳云呂后側耳於東箱得此序也一訓然後
知今本爾雅之作東西廂爲後人誤改或體字也又
云拱大戈也按爾雅云櫜謂之杙大者謂之拱說文
無拱字今互證之可呂定彼拱之爲拱更可定此戈
之爲弋也又云璵琅石似玉也案說文云琅石之似
玉者而無璵字山海經云璵次之山其陽多璵瑱之
玉郭璞注瑱或作短或作根或非埋傳寫謬錯未可
得詳畢尙書新校正云或作根者當爲琅今互證之
可呂定彼根之爲琅更可呂定此璵之爲璵也埤倉
與廣雅相表裏故其說有與之同者廣雅云經梳謂
之杙此云杙凡織先經以杙梳絲使不亂出廣雅鼓

𦵏謂之柷曹憲音義𦵏或從壺此云𦵏鼓柷也亦有
與之異者廣雅𦵏聲也此作𦵏聲貌廣雅云標擊也
此作拋擊也按說文無拋止作標耳至𦵏杓𦵏杓等
字悉是俗體今於說文所無之字旃標正文皆由考
據而非臆見疑則闕之注曰俗字夫載籍極博聞見
難窮補遺正誤是所待於俊哲之倫矣鮑著說文解
字正義思盡讀倉雅遺書每於古訓遺文單詞片語
零行依附獲則取之以資左證自病孤陋多致疏違
比來京師幸得親炙於當世賢豪有若邵二雲編修
之於爾雅王懷祖侍御之於廣雅孫淵如編修之於
倉頡篇任子田禮部之於字林具有成書小學之興

於今爲盛鱸於是編而外更采集聲類通俗文等書
因編校埤倉既竣而述其大略如此以質之數君子
焉

樊氏恭廣倉

七錄一卷

佚

隋書經籍志曰梁有廣蒼一卷樊恭譔亡

今本廣倉

一卷

存

陳鱣敘錄曰樊恭譔廣倉一卷魏江式論書表所謂

二
埤廣綴拾遺漏增長字類封演間見記所謂埤倉廣
倉之類互相祖述名目漸多者也魏徵等偁其書已
亡然唐初著述衆往往引之如李善文選注引云慙
用心并誤也釋元應一切經音義引云謹短矛也癭
廕成也皆俗字大約與廣雅相侶暇日輯爲一編次
之埤倉之後焉

王氏

家植

三蒼學

見山東通志列傳

佚

山東通志傳曰王家植字木仲濱州人萬歷甲辰進
士官編修以博學名著有三蒼學四書禮經勦說史

舊史鑒莊岳等書行世

班氏固大甲篇

七錄一卷

佚

漢書班彪傳曰彪子固字孟堅年九歲能屬文誦詩書及長遂博覽載籍九流百家之言無不窮究且彪所續前史未詳乃潛精研思欲就其業郡上其書顯宗甚奇之召詣校書郎除蘭臺令史遷爲郎與校祕書帝使終成前所著書至建初中乃成永元初竇憲出征匈奴且固爲護軍與參議及竇憲敗固先坐免官及竇氏賓客皆逮考競因此捕繫固遂死獄中時

年六十一歲所著凡四十一篇

班氏固在昔篇

七錄一卷

佚

按漢書藝文志云臣復續揚雄作十三章章
昭注臣班固自謂也作十三章後人不別疑
在蒼頡下篇三十四章中今考隋志所列大
甲在昔二篇亦疑卽蒼頡篇中之二也說文
解字亦引班固說

崔氏瑗飛龍篇

七錄一卷

佚

後漢書崔瑗傳曰瑗字子玉早孤銳志好學盡能傳其父業年十八至京師從侍中賈逵質正大義逵善待之因畱游學遂明天官歷數京房易傳六日七分諸儒宗之尤善爲書記箴銘所著賦碑銘箴頌七蘇南陽文學官歎辭移社文悔所艸書勢七言凡五十七篇

小學考卷九終

男學崇拔字

小學考卷九

里